

Vör Johre han Bekannte von mir, die woren och Schüler vun der Kölsch-Akademie, hatte mer hee vun der Akademie verzallt un han gesaht: "Sigrid, dat es et Richtige för dich. Do geiht di Hätz op. Do kanns de Kölsch schwaade, do liers de och et Schrieve, weil dat es mi Handicap. Ich kann et schwaade, ävver ich kunnt et nit schrieve. Un deswäge, immer, wann ich jet zo Papier gebraht han, han ich mich nie getraut, dat einem zo gevve, weil ich immer gedaach han, do sin su vill Fählere dren, do blamiers de dich. Do denke die jo all, do bes ene Legastheniker. Un deswäge giss de dat nit av.

Un an mingem fuffzigste Gebootsdag han ich mer en Liss gemaht vun Saache, die ich all noch en mingem Leve erleve wollt. Unger anderem wor do och: Ich meld mich jetz en der Kölsch-Akademie aan. Gemaht - gedon. Dann kom die Antwood von der Kölsch-Akademie: Wir freuen uns, un do woodt ich endelade för em September.

Un do ben ich dann och hin, kom dann beim Rudi Meier en de Klass, han unheimlich nette Lück kennegeleiert, mer sin en wunderbare Trupp. Ich gläuv, uns gitt et och noch, wann die Examensfeier vörbei es un villleich irgendwann, dat einer von uns et Diplom mäht, uns weed et dann als Grupp immer noch gevve. Dä Meddwoch weed för uns immer fass dann reserviert sin.

Schmitz, Sigrid (51): *Wie ich bei de Kölsch-Akademie kom*

fɔɐ̯ jo:ʁə han bəkantə fɔn miɐ̯ di vɔ:ʁən ʔox fʏ:lə fɔn də 'kœltʃʔakade,mi: hatə mɛ he: fɔn dɛɐ̯ ʔakade'mi fɛtsalt ʔɔn han jəza:t 'zi:ɡʁɪt dat ʔez_ət 'ʁɪhtijə fə dɪf: da je:t:i hɛts ʔop da kanstə kœltʃ:va:də da liɐ̯stə ʔox dat ʃbi:və vaɪl dat ʔes mi 'hɛndikɛp ʔɪf̩ kan_ət ʃvadə ʔave_ɪf̩ kʊnd_ət nit ʃbi:və ʔɔn 'dɛsve:n ʔɪma ven_ɪf̩:ɛt:so pa'pi:ɐ̯ jəbka:t han han ʔɪf̩ miɪf̩ ni jətkaʊt dat ʔe:nəm tʃʊ jevə vaɪl_ɪf̩ ʔɪmɛ jəda:x:an da zɪn zʊ fil fe:lɛʁə dʁɪn da blami_ɛs tɛ dɪf̩ da dɛŋkə di ja ʔal do bes_ene legas'te:nɪkə ʔɔn dɛsve:n jis tɛ dat nit ʔaf ʔon ʔa_mɪŋəm 'fʊftʃɪstə jə'bo:tʃdax han_ɪf̩ mɛ_ən lɪs: jəma:t fɔn za:xə di_ɪf̩ ʔal nox ʔe_mɪŋəm levə ʔɛ'lɛ:və vɔlt ʔɔn_ɔŋɛ 'ʔandəʁəm vɔɐ̯ da ʔox ʔɪf̩ melt miɪf̩:ɛts ʔen də 'kœltʃʔakade,mi: ʔa:n jəma:t jədɔn: dan kɔ:m di 'ʔantfoɐ̯t fɔn də 'kœltʃʔakade,mi viɐ̯ fʁɔɥən ʔuns ʔon da vo:d_ɪf̩ 'ʔɪnjɛla:də fə ʔem zɛp'tembɛ ʔɔn_a ben_ɪf̩ tan ʔox:ɪn kɔ:m dan baɪm 'ʁudi maɪɛ ʔen də klas: han 'ʔɔnhɑɪmlɪf̩ nɛtə lʏk:ɛnɔj'liɐ̯t mɛ zɪn ʔen 'vundɛba:ʁə tʁɔpə ʔɪf̩ glø:f ʔɔns jɪd_ət ʔox nox ven_ət di ʔɛk'sa:mən,faɪɛ ʔɔn fi'laɪf̩ ʔ'əɟjənt'van dat ʔaɪnɛ fɔn ʔɔns_ət:i'plo:m:ɛt ʔɔns ve:d_ət dan ʔals ɡʁɔp ʔɪmɛ nox jevə dɛ 'mɛtvɔx ve:t fo ʔɔns ʔɪmɛ fɛs dan ʁɛzɛ'viɛt zɪn